

ԻՍՐԱՅԷԼԻ ՆԱԽԱԳԱՀԸ Ս. ՉԱՏԻԿԻ ՏՕՆԻՆ ԱՌԻՌՈՎ ԸՆՈՐՀԱՌՐԱԾ Է ԵՐՈՒՍԱՂԵՄԻ ՀԱՅՈՑ ԴԱՏՐԻԱՐՔԸ



Իսրայելական կողմի նախաձեռնությամբ՝ Իսրայելի նախագահ Ռեուվեն Ռիվին հեռախոսազրույց ունեցած է Երուսաղեմի հայոց պատրիարք Նուրհան Արքեպիսկոպոս Մանուկեանի հետ եւ շնորհաւորած Սուրբ Յարութեան սոնդը: Այս մասին ֆէյսպուքի իր էջին վրայ գրած է Երուսաղեմի հայոց պատրիարքարանի դիւանապետ Կորին վարդապետ Պաղտասարեան:

«Ապրիլ 13-ին, Իսրայելական կողմի նախաձեռնությամբ՝ հեռախոսազրույց տեղի ունեցաւ Իսրայելի մեծարգոյ նախագահ, պարոն Ռեուվեն Ռիվինի եւ Երուսաղեմի հայոց պատրիարք Նուրհան Արքեպիսկոպոս Մանուկեանի միջեւ: Հեռախոսազրույցի ընթացքին պարոն Ռիվին շնորհաւորեց Պատրիարք Սրբազանը՝ Զատիկի սոնին առիթով եւ նաեւ քննարկեց Իրաւատէր երեք համայնքներու կողմէ իրեն ուղղուած Սուրբ Յարութեան տաճարը բանալու եւ Աւագ Շաբաթուան արարողութիւններուն վերաբերող հարցեր», - գրած է Պաղտասարեան:

ԵՍ ԿԸ ՅԻՇԵՄ. ՀԱՅՈՑ ՅԵՂԱՍՊԱՆՈՒԹԵԱՆ ԹԱՆԳԱՐԱՆԸ Կ'ԱՌԱՋԱՐԿԷ ԱՊՐԻԼ 24-ԻՆ ՓՈԽԱՐԻՆԵԼ FACEBOOK-Ի ԼՈՒՍԱՆԿԱՐԸ



Հայոց Ցեղասպանութեան 105-րդ տարելիցին ընդառաջ՝ Հայոց Ցեղասպանութեան թանգարան-հիմնարկը կոչով կը դիմէ Հայաստանի քաղաքացիներուն, հայ ժողովրդին ու անոր բարեկամներուն՝ յորդորելով Ապրիլ 24-ին Facebook-ի իրենց լուսանկարները փոխարինել յատուկ այդ նպատակով ստեղծուած շրջանակի մէջ առնուած իրենց հարազատներու՝ զոհ կամ վերապրող՝ լուսանկարներով, անոր բացակայութեան պարագային՝ անուն-ազգանունով, նաեւ փոքր պատմութեամբ մը անոր կամ անոնց մասին:

Թանգարան-հիմնարկի տարածած հաղորդագրութեան մէջ նշուած է. «Եթէ չկան զոհ կամ վերապրող հարազատներ՝ տեղադրեցէք Ցեղասպանութեան զոհ արեւմտահայ մտաւորականներու, հասարակական-քաղաքական գործիչներու, ֆետայիներու, շարքային զինուորներու եւ զօրավարներու լուսանկարները: Դրէք արեւմտահայութեան մշակութային ժառանգութեան գանձերու լուսանկարները, կիսուեցէք Արեւմտեան Հայաստանի ձեզի հասանելի պատկերներով: Եւ ընդամենը մէկ պարզ գրութեամբ՝ ԵՍ ԿԸ ՅԻՇԵՄ կամ ԿԸ ՅԻՇԵՄ»:

Շատոնց արդէն Հայոց Ցեղասպանութիւնը դուրս եկած է ցեղական յիշողութեան, այսինքն՝ լոկ հայերու նկատմամբ գործած յանցագործութեան, զուտ հայկական ողբերգութեան սահմաններէն. անիկա համամարդկային ողբերգութիւն է, մարդկութեան դէմ գործած ամենամեծ չարիքներէն մէկը: Չարիք, որուն միջազգային ճանաչման ու դատապարտման, նաեւ հետեանքներու վերացման հարցը արդարութեան համար պայքարի ծիրին մէջ է:

Մէկ դար անցած է 1915-1923 թուականներուն մարդկութեան եւ քաղաքակրթութեան դէմ գործած յանցագործութենէն, սակայն այդ ոճիրին հետեանքները մինչ օրս զգացնել կու տան իրենց : Հայ մարդիկ կը յիշեն Ցեղասպանութեան զոհ իրենց պապերն ու տատերը, կը յիշեն տասնեակներով մղուած ինքնապաշտպանական մարտերու հերոսները, ապրելու իրատունքը պաշտպանելու ելած դիմադրողները, վերապրողները՝ որոնք հիմքը դարձան ոչ միայն հայկական Սփիւռքի, այլեւ Հայաստանի Հանրապետութեան մերօր-

Շար. - էջ 7

ԿԳՄՍ ՆԱԽԱՐԱՐՈՒԹԻՒՆԸ ՍՓԻՌՔԱԶԱՅԵՐՈՒ ՀԱՄԱՐ ԱՌՅԱՆՑ ՀԱՐԹԱԿՆԵՐ ՍՏԵՂՍԱԾ Է



«Քորոնա» ժահրի տարածումը կանխարգիլելու նպատակով՝ տարբեր երկիրներու մէջ՝ յայտարարուած արտակարգ դրութեան պայմաններով յառաջացած իրավիճակին՝ մեր սփիւռքահայ հայրենակիցներու կրթական գործընթացի շարունակականութիւնը հնարաւորինս ապահովելու նպատակով՝ ԿԳՄՍ նախարարութեան youtube-ի (<https://www.youtube.com/user/armeduchannel>) ալիքին վրայ տեղադրուած են հայագիտական առարկաներու տեսադասեր՝ «Հայոց լեզու», «Հայ գրականութիւն» եւ «Հայոց պատմութիւն» նիւթերուն՝ <https://bit.ly/34m0Wtm>: Այս մասին կը յայտնեն ՀՀ Կրթութեան, գիտութեան, մշակոյթի եւ մարմնակրթութեան (ԿԳՄՍ) նախարարութենէն:

«ԿԳՄՍ նախարարութեան գործարկած հեռավար կրթութեան միջոցներու համալիր էջին (heravar.armedu.am) նաեւ առկայ են առցանց աղբիւրներ եւ գործիքներ, մասնաւորապէս, Tumannyan.Online առցանց դպրոցը՝ <https://armenian-language.org/>, որուն միջոցով մեր սփիւռքահայ հայրենակիցներու փոքրիկները կրնան սորվիլ հայոց լեզու, նաեւ օտար լեզուով:

Վերոնշեալ էջին վրայ տեղադրուած է նաեւ ՀԲԸՄ հայկական վերացական համալսարանի (ՀՎՀ) գործարկած առցանց կրթութեան հարթակը, ուր տեղադրուած է հայկական մշակութային ժառանգութեան վերաբերեալ տեղեկատուութիւն լեզու, պատմութիւն, կրօն, ճարտարապետութիւն, խոհանոց, ճատրակ: Գերաշխոյժ բովանդակութեան հիմքը ՀՎՀ-ի multimedia ելեկտրոնային գիրքերն են, առցանց դասընթացները եւ վերացական այցելութիւնները, որոնք ներկայացուած են վեց լեզուներով՝ արեւելահայերէն եւ արեւմտահայերէն, անգլերէն, ֆրանսերէն, ռուսերէն, սպաներէն եւ թրքերէն: Կրթական հարթակը նաեւ լաւ հնարաւորութիւն է ամենօրեայ գերաշխոյժ հանդիպումներու եւ առցանց հաղորդակցութեան համար: Կրթական ինքնուսույց նիւթերէն բացի՝ ՀՎՀ-ի կրթահարթակին միջոցով կը կազմակերպուին նաեւ վերացական այցելութիւններ դէպի պատմական եւ մշակութային վայրեր Հայաստանի եւ Սփիւռքի մէջ: ՀՎՀ-ի գերաշխոյժ առցանց կրթական հարթակը հասանելի է անվճար www.avc-agbu.org կայքին մէջ, ինչպէս նաեւ ՀՎՀ-ի ընկերային ցանցերու մէջ:

Բազմաթիւ հայագիտական նիւթեր հասանելի են նաեւ Հայկական կրթական միջավայրի «Պաշարներու շտեմարան»-ին մէջ», - նշուած է ՀՀ ԿԳՄՍ նախարարութեան տարածած հաղորդագրութեան մէջ:

ԲԱՐԵՐԱՐՈՒՅԻ...

Շար. - էջ 1- ԵՆ

հիներէն էր որ սեւեռուն կերպով կը հետեւէր հայ մամուլի գործունէութեան եւ իր հետաքրքրութեան համեմատութեամբ ալ՝ առատաձեռն նուիրատու մը ի խնդիր անոր զարգացման: Ան յատկապէս հաւատարիմ ընթերցող մըն էր «The Armenian Mirror-Spectator»-ին եւ «Պայքար» Շաբաթաթերթին, որոնց պահպանման ու շարունակման համար ան կը կատարէր առատաձեռն նուիրաբերումներ:

Տիկին Արտեմիս խորհրդակիցն ու մասնակիցն էր իր ամուսնոյն կատարած իշխանավայել նուիրատուութեանց Ս. Էջմիածնի Մայր Աթոռին, Ամերիկայի հայ եկեղեցիներուն, ինչպէս նաեւ Ն.Բ.Ը. Միութեան եւ Թէքեան Մշակութային Միութեան՝ նախաձեռնած կրթանուէր տարբեր կարելոր ծրագիրներուն:

Հանգուցեալ Արտեմիս Նազարեանի բեղուն կեանքին մասին վստահաբար դեռ պիտի կատարուին բազում անդրադարձումներ եւ երախտագիտական խօսքեր:

Մեր խորագգաց ցաւակցութիւնները կը յայտնենք այս տխուր առիթով Տիար Նազար Նազարեանին եւ իր ընտանեկան բոլոր պարագաներուն, խընդրելով առ Աստուած՝ որ հանգուցեալի բարի հոգին խաղաղ հանգչի Երկինքի Արքայութեան մէջ:

Սոնթրեալի՝
ՌԱԿ ՕԺԵՆ Փափագեան Ակումբ
Թէքեան Մշակութային Միութիւն
«ԱՂԱԳԱՅ» Շաբաթաթերթ